

ՆՅՈՒԹԵՐ ՆԱԽԻՋՆՎԱՆԻ ՀԱՅԿԱԿԱՆ ՊԱՏՄԱԿԱՆ
ՀՈՒՇԱՐՁԱՆՆԵՐԻ ՎԵՐԱԲԵՐՅԱԼ

Պատմական Հայաստանի մի մասը՝ ներկայիս Նախիջևանի ԻՍՍՀ-ն, հարուստ է եղել պատմական և հնագիտական հուշարձաններով։ Նախիջևանի և նրա շուրջ գավառների՝ Գողթանի, Երնջակի, Ճահուկի և Շահապուռնիքի հայկական բոլոր գյուղերն էլ ունեցել են իրենց եկեղեցիները, իսկ կենտրոններ հանդիսացող գյուղերում ու ավաններում եղել են մի քանի եկեղեցիներ ու վանքեր, որոնց կից գործել են դպրատներ, ուսումնական օջախներ։ Այսպես, օրինակ, միայն Նախիջևան քաղաքը ունեցել է մոտավորապես 80 հայկական եկեղեցիներ ու վանքեր¹, Աղուլիս գյուղաքաղաքը՝ 10 ճարտարապետական մեծ արվեստով կառուցված եկեղեցիներ, Հին Զուղան՝ 7 եկեղեցիներ։ Անհրաժեշտ է ընդգծել, որ պատմա-հնագիտական հուշարձանների թիվը Նախիջևանում զնալով նվազում է։ Մի շարք հուշարձաններ վերջին տասնամյակների ընթացքում ավերվել են։ Նախիջևանի պատմա-հնագիտական հուշարձանները քիչ թե շատ ուսումնասիրվել են նախասովետական շրջանում (Ղ. Ալիշան, Քաջբերունի, Ա. Սեդրակյանց, Ե. Լա-

լայան)։ Սակայն ճանապարհորդական, աղագորական նյութերը սահմանափակ են, մեծ թիվ կազմող հուշարձաններ դուրս են մնացել ուշադրությունից, ներկայացվածներն էլ չեն ենթարկվել պատմա-քննական, համեմատական ուսումնասիրության։

Այս հոդվածում հրապարակության ներկայացված հուշարձանները, նրանց լուսանկարները (նկ. 1—4), արձանագրությունները տպագրվում են առաջին անգամ։ Հրապարակվող նյութերի նպատակն է օգնել պատմական Հայաստանի հնագիտական ու ճարտարապետական հուշարձանների պատմության հետաքրքիր ոլորտներին։

Հոդվածում ներկայացված նյութերը վերաբերում են Շահապուռնիքի (ներկայիս Նախ. ԻՍՍՀ Շահբուլդի շրջան), Ճահուկի (ներկայիս Նախիջևանի շրջանի մի մասը) գավառների և Նախիջևան քաղաքի պատմա-հնագիտական հուշարձաններին։

ՇԱՀԱՊՈՒՆԻՔ

Շահապուռնիքը՝ ներկայիս Շահբուլդի շրջանի Կյանդ Շահբուլդ գյուղը, գտնվում է շրջկենտրոնից 4 կմ հեռավորության վրա, Շահբուլդայ գետի ստորին հոսանքում, նրա ձախ ափին։

Շահապուռնիք գավառի մասին պատմա-հնագիտական աղբյուրներում միայն սակավաթիվ տեղեկություններ կան։ Շահապուռնիքը անվանվել է Շահապուռնիս, Շահապուռ, Շահփուր, Շահբուլդ։ Շահապուռնիքը եղել է Նախիջևանի առանձին գավառներից մեկը, հաճախ էլ գավառային մի մաս՝ մտնելով Ճահուկ գավառի կազմի մեջ։ Պատմական Շահապուռնիք գյուղը փոխված է եղել բավականին խոր ձորի երկայնքով, որի արևելյան կողմի վիթխարի քարածայրերի գլխին գտնվում է Շահապուռնիք ամրոցը։ Պատմական Շահապուռնիքը ունեցել

է բարեկարգ տներ և Ս. Աստվածածնի Ծննդյան մեծ վանքը։ Ս. Աստվածածնի Ծննդյան վանքի կառուցման մասին ստույգ տեղեկություններ չկան։ Մեր կարծիքով այն կառուցվել է XIII դարի երկրորդ կեսին և ավերակների է վերածվել մոտավորապես 1790—1800 թթ.։ Հայտնի է, որ Շահապուռնիքը ավերվել է մի քանի անգամ, և վերջին ավերումից հետո աղբյուրներից բերանակլությունը մոտավորապես 1840—1860 թթ. այդտեղ սկսել է բնակություն հաստատել հին, ավերված գյուղի հիմքը տեղափոխելով ձորի և Շահապուռնիք վտակի աջ ափը։

Շահապուռնիք ամրոցը կառուցվել է VI դարում։ Այդ ամրոցի մասին Ստ. Օրբելյանը գրում է. «...Շահապուռնից բերդ՝ ի Շահապայ պարսկէ շինեալ, և զձորն իւր անուն Շահապուռնից ձոր, որ հատուածի պատճառաւ եկեալ էր առ նահապետքն Սիւնիս²։ Շահապուռնիք

1 Տե՛ս Հ. Հակոբյան, Ուղեգրություններ, հատ. Ա, ԺԳ—ԺԶ (1253—1592), Երևան, 1932, էջ 16։

2 Ստ. Օրբելյան, Պատմութիւն նահանգին Սիսական, Թիֆլիս, 1910, էջ 14

ամրոցը անառիկ է եղել իր բնական դիրքի շնորհիվ: Այն գտնվում է բրգանման վեր ձրգվող մի լեռնակույտի վրա: Ամրոցը ունի միայն մի մուտք, որը անցնում է 35—60 սմ լայնություն և ավելի քան 200 մ բարձրություն ունեցող լեռնապատենի վրայով: Ամրոցի մուտքի մոտ մինչև այժմ էլ կա քարով շարված մի պատեն (2,5 մ լայնությամբ և 3,5—4 մ բարձրությամբ): Շահապունիք ամրոցից գտնվել են խեցեղեն իրեր, զենքեր, պարսկական, թուրքական, հայկական հին դը-

բամներ, որոնցից մի քանիսը այժմ պահվում են Նախիջևանի մարզային թանգարանում:

Շահապունիք ամրոց-կացարանի կենտրոնական մասում փորված-բացված է տնակի նմանվող մի փոս, որը ունի 4,5 մ. լայնություն և 5 մ բարձրություն, դեպի ներքև իջնող քարե սանդուղքներ: Ըստ ավանդության, այդ փոսը ամրոցի կենվորների համար ծառայել է որպես գետնուղի՝ ջուր, պարենամթերք ստանալու և կապ պահպանելու համար:

ԾԱՀՈՒԿ (ԶԱՀՐԻ)

Պատմական Ճահուկ գավառի գավառակենտրոնը՝ Ճահուկ գյուղաքաղաքը, գտնվում է Երնջակ գավառից (ներկայիս Զուլֆայի շրջան) հյուսիս-արևմուտք: Այն սահմանակից է պատմական Վայոց ձորին, Մղկունքին, Երնջակին և Նախիջևանին:

ցիներից Ս. Շողակաթը այժմ ավերակ վիճակում է գտնվում: Ս. Շողակաթը կառուցվել է 1325—1330 թթ., այսինքն՝ կաթուղիների Ճահուկում հաստատվելու տարիներին: Այն ավերվել է 1935—1940 թթ.:

Ճահուկի երկրորդ եկեղեցին՝ Ս. Հովհան-



Նկ. 1. Ճահուկի Ս. Հովհաննես Մկրտիչ եկեղեցին:

Ճահուկը Նախիջևանի շրջանի այժմյան Զահրի գյուղն է: Այն գտնվում է Նախիջևան-Գորիս ճանապարհի ձախ կողմում, Նախիջևանից 4 կմ հեռավորության վրա:

Ճահուկը ունեցել է երկու եկեղեցի՝ Սուրբ Շողակաթը և Սուրբ Հովհաննես Մկրտիչը, որոնց կից գործել են դպրատներ: Այդ եկեղե-

նես Մկրտիչը (նկ. 1), կանգուն է: Այն զբմբեթավոր է, ունի խորան, պատերին կան սրբապատկերների, խաչքարերի քանդակներ: Ունի 20 մ. երկարություն և 16 մ լայնություն: Այս եկեղեցու կառուցման տարեթվի մասին գրավոր աղբյուրներում ստույգ տեղեկություններ չկան: Մեր կարծիքով այն կառուցվել է մոտավորապես 1450—1455 թթ.:

Ճահուկը հայտնի է եղել նաև իր անառիկ ամրոցներով: Մինչև այսօր էլ երևում են ճա-

հուկ, Սրինգ և Ջլմիրան ամրոցների ավերակները:

ՔՅՈՒՆՈՒՍ

Շահապուռիի պատմական Քյուսը, Քյուքը ներկայիս Շահբուլի շրջանի Քյուլուս գյուղն է: Քյուլուսը գտնվում է Շահապուռիք գավառակենտրոնից (ներկայիս Շահբուլի շրջանի Կյանդ Շահբուլ) մոտավորապես 11—12 կմ դեպի հյուսիս:

Պատմական Քյուքը ունեցել է երկու եկեղեցի՝ Սուրբ Արշակապը և Սուրբ Գրիգորը, որոնցից առաջինը այժմ ավերակ վիճակում է, իսկ Ս. Գրիգորը կանգուն է:

Ս. Արշակապի ավերակներից երևում է, որ այն մեծ եկեղեցի է եղել: Բայց այդ եկեղեցու կառուցման, ինչպես նաև ավերման մասին գրավոր աղբյուրներում ստույգ տեղեկություն-

ներ չկան: Հավանաբար այն կառուցվել է մոտավորապես 1390—1400 թթ., իսկ ավերակների է վերածվել՝ 1850—1860 թթ.: Ս. Արշակապի ավերակները գտնվում են գյուղի արևելյան կողմում, Շահապուռիք վտակի ձախ ափին:

Քյուքի երկրորդ եկեղեցին՝ Ս. Գրիգորը, գտնվում է գյուղի կենտրոնական թաղամասում: Այն կանգուն է, կառուցված է բազալտ քարից, վերանորոգումների ժամանակ օգտագործվել են նաև կարմիր քարեր: Եկեղեցին ունի խորան, զարդաքանդակներ: Պատերին կան արձանագրություններ՝ «ԹՎ ՌՃՁ», «Ս՝ ԽԱՉՍ ԹՎ ՌՃՁ», այսինքն՝ 1657 թ.:

ՆՈՐՍ

Նորսը՝ ներկայիս Շահբուլի շրջանի Նորս գյուղը, հայտնի է եղել և՛ որպես հայկական մեծ գյուղ, և՛ որպես կրթական, առևտրական կենտրոն: Նորսեցի առևտրականները սերտ առևտրական կապերի մեջ են եղել Հրեղ-կաստանի, Չինաստանի, Պարսկաստանի, Հունաստանի, Վենետիկի, Վիեննայի և շատ ուրիշ առևտրական կենտրոնների հետ:

Նորսը ունեցել է մի եկեղեցի, որն այժմ կանգուն է: Արևմտյան կողմից քանդված և վերացված է եկեղեցուն կից գտնվող դպրատան շենքը: Եկեղեցին տեղացիների կողմից անվանվում է Երեք Խորանի, կառուցված է սև բազալտից, գմբեթավոր է, ունի երկու դուռ, արձանագրություններ, սրբապատկերների, կեն-

դանիների քանդակներ, ներպատուհաններ: Եկեղեցու մուտքի զլխաքարին արձանագրված է.

«ԽԱՉ ՍԲ ԱՐԷԽԱԻ ՎԱՐԴԱՆԻՆ ԿՈՂԱԿՅԻՆ ԻՔԱՐԻՆ ՈՐԴՈՒՆ ՄԿԻՐՏԻՉ

ՍԻՆ ԷՎԷՏԻՍԻՆ, ԹՎԻՆ Ռ. ՃԳ:

ԱՐԻՆ ԴԻՐՈՆ:

Ըստ այս արձանագրության, Նորսի եկեղեցին կառուցվել է 1654 թ.:

Եկեղեցու դռան մոտ կանգնեցված է մի խաչքար, որն ունի 2 մ բարձրություն և 1.20 մ լայնություն: Ժամանակի, բնության ազդեցության պատճառով խաչքարի արձանագրությունները անընթեռնելի են: Ըստ ավանդության այդ խաչքարը քանդակել է Հին Ջուղայի քանդակագործներից մեկը:


ՕԾՈՓ (ԲԱԴԱՄՈՒ)

Պատմական Շահապուռիք գավառի Օծոփ գյուղը ներկայիս Շահբուլի շրջանի Բադամլու գյուղն է, որը գտնվում է Նախիջևան—Գորիս տանող ճանապարհի ձախ կողմում, ճանապարհից՝ Շահբուլ գետից, 7 կմ հեռավորության վրա:

Օծոփը հին հայկական գյուղ է: Նրա բլանակիչները աշխատասեր, վաճառական մարդիկ են եղել: Օծոփը մատենագրության մեջ հիշատակվում է նաև Մեծոփ, Նշուտ, Նշաձոր անուններով: Պատմական Օծոփը տեղավորված է եղել մեծ, հարթ տարածությունից դեպի լեռնափեշերը ձգվող-բարձրացող զոգավորության վրա: Այժմ էլ տեսանելի են հին գյուղի հետքերը: Նոր գյուղը հնի զոգավորությունից սկսել և լայնանալով իջել է դեպի հարթա-

վայրը: Բադամլուի բնակչությունը մինչև 1940—1945 թթ. հայկական էր, իսկ 1960 թ. այնտեղ հիմնական բնակչություն են հաստատել ադրբեջանցիները: Այժմ գյուղում հայեր չկան:

Պատմական Օծոփը ունեցել է երկու հայկական եկեղեցի, որոնցից մեկը տեղացիների կողմից անվանվել է Ժամ, իսկ մյուսը՝ վանք: Այժմ այդ երկու եկեղեցիներն էլ կանգուն են: Ժամը գտնվում է գյուղի կենտրոնական թաղամասում, իսկ Սուրբ Աստվածածնի վանքը գտնվում է գյուղից մոտավորապես 400—500 մ հեռու գտնվող մի բլրակի վրա: Օծոփի Ժամը, ըստ մուտքի զլխաքարին գրված արձանագրության, կառուցված է. «ԹՎԱԿԱՆ. [ՀԱ]ՅՈՑ ՌԽ. ԴԱՍ. ԱԴ ԹԵՄ», այսինքն՝ 1591 թ.: Ժամի



Նկ. 2. Բաղամուրի (Օժոփի) Ս. Աստվածածին վանքը:

պատերին կան արձանագրություններ, որոնք անընթեռնելի են: Այն անգմբեթ է, իր կառուցման հատակագծով՝ պարզ և հասարակ:

Օժոփի Ս. Աստվածածնի վանքը ժամանակին վեհաշուք և հայտնի վանքի համրավ է ունեցել: Այդ վանքի և ընդհանրապես Օժոփի մասին հիշում է պատմիչ Առաքել Դավրիժեցին³: Ըստ արձանագրություններում հիշատակվող տարեթվերի. Օժոփի Ս. Աստվածածնի վանքը կառուցվել է հայոց ՌՃԻ (1671 թ.) թվականին, իսկ ըստ Ա. Դավրիժեցու ավելի վաղ:

Ս. Աստվածածնի վանքը (Նկ. 2) կառուցված է ըստ լատին (դրսի շարվածքում օգտագործված են կարմիր քարեր), ունի խորան, պատերին կան արձանագրություններ, խաչքարեր, կենդանիների, սրբապատկերների բավական մեծ արվեստով արված քանդակներ: Ս. Աստվածածնի վանքին կից գործել է դպրատուն: Վանքին մոտիկ գտնվում է 550—600 դարեկան քարե բնակարաններով հայկական գերեզմանատունը:

ՆԱԽԻՋԵՎԱՆ


Պատմական Հայաստանի Նախիջևան քաղաքը ներկայիս Նախիջևանի ԽՍՀ մայրաքաղաքն է: Քաղաքը հարուստ է եղել պատմական հուշարձաններով, որոնցից այժմ երկուսն են կանգուն վիճակում՝ զմրեթաղարդ Ս. Գիվորգ եկեղեցին և Ս. Երրորդություն եկեղեցին:

Ս. Դևոբզը գտնվում է ներկայիս քաղաքի կենտրոնական մասում, արևմտյան դրոսայգու մոտ: Այն տուֆակերտ է, զմրեթ աղյուսաշար է և բանդակաղարդված: Ս. Դևոբզ եկեղեցին


(Նկ. 3) կառուցվել է XIX դարի կեսերին, պատերին կան դարդաքանդակներ, արձանագրություններ: Այժմ Ս. Երրորդում առկա վրած է Նախիջևանի մարդային տպարանը:

Քաղաքի կենտրոնական մասում է գտնվում նաև Ս. Երրորդություն եկեղեցին, որը կառուցված է ըստ լատին և տուֆից: Սրա կառուցման տարեթվի մասին գրավոր աղբյուրներում, ինչպես նաև եկեղեցու արձանագրություններում, ստույգ տեղեկություններ չկան, բայց ինչպես ավանդությունն է ասում, եկեղեցին շատ հին է: Այդ բանը հաստատում են նրա կառուցվածքային ոճն ու արվեստը:

³ Տե՛ս «Պատմություն վարդապետի Դավրիժեցու», Վաղարշապատ, 1896, էջ 427:



Նկ. 3. Նախիջևանի Ս. Դևորգ եկեղեցին:



Նկ. 4. Այլարաթի Ս. Աստվածածին եկեղեցին:

ԱՅԼԱՐԱԹ

Այլարաթ գյուղը գտնվում է Նախիջևան քաղաքից մեկ կիլոմետր հեռավորության վրա, Նախիջևանից Երևան տանող ճանապարհի առկողմում:

Ներկայումս կանգուն է Այլարաթի Ս. Աստվածածնի եկեղեցին (նկ. 4), որը շարված է բազալտից (գրսի շարվածքները կարմիր քարերից են), գմբեթավոր է, ունի զանգակատուն,

զարդաքանդակներ, կառուցման տարեթիվը հայտնի չէ: Ըստ պատերին գտնվող արձանագրությունների, եկեղեցին Այլարաթի հասարա-

կության կողմից վերանորոգումների է ենթարկվել 1854 և 1887 թթ.:

և 4

ՇԽՄԱՀՄՈՒԴ

Ըստ ավանդության այս գյուղը նախնական գավառի կազմի մեջ մտնող Շամեն կամ Շմրթան գյուղն է: Այն գտնվում է նախնականից Շահրուզ տանող ճանապարհի աջ կողմում: Շխմահմուդը նախնական քաղաքից հեռու է հինգ կիլոմետր՝ դեպի Ճահուկ գավառը: Ներկայումս Շխմահմուդ գյուղում կանգուն վիճակում է հայկական մի եկեղեցի, որը իր կառուցվածքային ձևով տարբերվում է նախնա-


վանի մյուս հայկական եկեղեցիներից: Նրա կառուցման մասին ստույգ տեղեկություններ հայտնի չեն, պատերին եղած արձանագրությունները անընթեռնելի են: Շենքը կանգնած է չորս սյուների վրա, ունի կոնաձև, վեր ձգվող ֆասադ, բարձրությունը մոտավորապես 25—26 մ է, կառուցված է հրակայուն աղյուսից:

ԱՍՏԱՊԱՏ (ԹԱԶԵՔԵՆԴ)

Պատմական Աստապատը ներկայիս նախնականի շրջանի Թազեքենդ գյուղն է:

Աստապատը հայտնի է իր հնագիտական մեծարժեք հուշարձաններով: Հռչակված են

փաննոս նախավկայի վանքը (նկ. 5) գտնվում է գյուղից հեռու, անմիջապես Արաքս գետի ափին, պետական սահմանի շրջանում: Այն հայ պատմագրության մեջ հիշատակվում է VII դա-



Նկ. 5. Աստապատի Կարմիր կամ Ս. Ստեփաննոս նախավկայի վանքը:

Կարմիր վանքը (Ս. Ստեփաննոս նախավկայի). Ս. Վարդանի վանքը, Ս. Հովհաննեսի մենաստանը, Աբասապատ ամրոցը և ուրիշ պատմահնագիտական հուշարձաններ: Սակայն այժմ քիչ թե շատ բարեկարգ վիճակում է գտնվում միայն Կարմիր վանքը: Կարմիր կամ Ս. Ստե-

փից: Կարմիր վանքը շինված է քարից և աղյուսից, զմրեթավոր է, ունի գավիթ, կից ունե-

4 ՏԵՆ Թ. Թորամանյան, Նյութեր հայկական ճարտարապետության պատմության, Երևան, 1942, էջ 246:

ցել է դպրատուն (որտեղ սովորել է Մ. Արևի-
յանը), ձիթհան, ջրաղաց և այլ շինություններ:
Վանքի պատերին կան յուղաներկ պատկերներ,
պարսպին, դերեղմանաքարերի վրա արված են
արձանագրություններ, ճարտարապետական մեծ
արվեստով կերտված քանդակներ: Գմբեթի 8
պատուհանների միջև և նրանցից ներքև Աստ-

վածածնի և 12 առաքյալների զարդապատկեր-
ներն են, սեղանը զարդարված է Տիրամոր պատ-
կերով: 1840 թ. նրկրաշարժից ճեղքվել է եկե-
ղեցու զանգակատան պատը, քանդվել և վերաց-
վել է ձիթհանը, ջրաղացը, խարխլվել է պա-
րիսպը:

Ա. ԱՅՎԱԶՅԱՆ

ԲՐՈՆԶԵԴԱՐՅԱՆ ԳՈՒՆԱԶԱՐԴ ԽԵՑԵՂԵՆԻ ՆՈՐԱՀԱՅՏ ՆՄՈՒՇՆԵՐ

Նրևանի հյուսիսային ծայրամասում, ուր
հատվում են Ավանի և Քանաքեռի խճուղիները,
1969 թ. հողային աշխատանքների ժամանակ,
3—4 մ խորության վրա, խճուղային ճանա-
պարհների վարչության աշխատակից Գ. Մ. Հով-
հաննիսյանի կողմից հայտնաբերվեց հողափոր
դամբարան: Այս դամբարանը հետազոտվել է
Բ. Բ. Պիոտրովսկու և Գ. Հ. Միքայելյանի կող-
մից:

Դամբարանում հայտնաբերվել էին խեցե-
ղեն իրեր, բրոնզե դաշույն, ուխարի և եղջերուի
ոսկորներ¹: Մարզու աճյունի բացակայությամբ,
ըստ երևույթի, բացատրվում է դիակիզումով,
որը բնորոշ էր Կիրովականի, Հնաշենի, Թրիալե-
թի, Ղրղիի և այլ վայրերի գոնազարդ խեցե-
ղեն պարունակող դամբարաններին: Գտնված
խեցեղեն առարկաները իրենց ձևերով բաժան-
վում են երկու տիպի՝ խոշոր, մոնոֆորմով գո-
նազարդ սափորներ և մեծ, խոր, կարմիր և մոխ-
րագույն քրեղաններ, որոնց մեջ աչքի է զար-
նում մեկ գոնազարդ քրեղանը: Գտնվել է նաև
ձեռքով պատրաստած կոպիտ, փոքր, մուգ մոխ-
րագույն մաս հիշեցնող աղաման (նկ. 9):

Առաջին խմբի գոնազարդ աճյունները քիչ
երկարով երեք սափորներ են, որոնք իրարից
տարբերվում են չափերով և նախշերով: Բոլոր
սափորները պատած են վառ կարմիր անգորով:
Անոթների վզերից ներքև ձգվում են սև ներկով
արված խոշոր շեվրոններ՝ լցված ուղիղ և ալի-
քաձև գծերով, շուրթերը զարդարված են թեթ
գծիկներով: Անոթներից մեկի շեվրոնների ստո-
րին ծայրերը զարդարված են շրջանաձև նախ-
շերով և դրանցից իջնող օձերի զարդամոտիվ-
ներով: Վերջիններիս զլուխները ձուլված են
նշված շրջանների հետ (նկ. 2): Նրկրորդ ա-
նոթի վրա շրջանաձև նախշերը հանդես են գա-
լիս ոչ թե շեվրոնների ծայրերին, այլ ելուստ-
ների միջև (նկ. 3): Նրկրորդ անոթի վրա շրջա-
նաձև նախշի փոխարեն արված են արևապաշ-
տության նշաններ՝ սվաստիկաներ (նկ. 1): Արև
խորհրդանշող այսպիսի նշաններ Հայաստանում
հայտնի են էսեոլիթյան ժամանակաշրջանից:

սակայն նրանք լայն տարածում են ստանում մ.
թ. ա. II հազարամյակի երկրորդ կեսից և 2
հազարամյակում հանդիպում են Հնաշենի, Ար-
թիկի, Սևանի, Կիրովականի, Ռեզկին-Լազերի և
այլ հուշարձաններում²:

Առաջին անգամ չէ, որ Նրևանում և նրա
շրջակայքում գոնազարդ անոթներ են հայտ-
նաբերվում. հայտնի են Մուխանաթ-Քափայի,
Միծևոնակարերդի, Կիրզայի, Թազաքենդի միա-
գույն խեցեղենի նմուշներ, որոնք զարդարված
են պարունակով, ալիքաձև ցանցերով, գույգ
սակերներով, անկյուններով, խաչերով, գծիկե-
րով լցված ուղղանկյուններով և այլ նախշե-
րով³: Նշված նյութերը թվագրվում են մ. թ. ա.
II հազարամյակի առաջին կեսով, երբ լեռնա-
յին անասնապահությունը ապրում էր իր ծաղի-
ման ժամանակաշրջանը: Ցեղային ավազանու
ձևերին կուտակվում էր մեծ քանակությամբ
հարստություն, որի մի մասը թաղման ժամանակ
դրվում էր նրանց դամբարաններում:

Ցեղային ավազանու դամբարաններ բացվել
են Կիրովականում, Թրիալեթիում, Հնաշենում և
դրանց մեջ գտնվել են ոսկե և արծաթե զար-
դարուն թասեր, գավաթներ և ղենքեր, գոնա-
շարժ խեցեղեն, որոնք բացահայտում են շա-
փազանց բարձր տեղական մշակույթի առկայու-
թյունը և նրանց ունեցած կապերը Հին Արևելքի
և հատկապես իսթական թագավորության մշա-
կույթի հետ:

2 С. А. Есаян. Амулеты, связанные с
культом Солнца из Армении, СА, 1968, № 2,
էջ 255 և հտ.:

3 К. Х. Кушнарёва, Тазакендский
могильник, СА, 1960, № 1, էջ 139; Э. В.
Ханзадян, Личашенский курган № 6.
КСИА, в. 91, 1961, էջ 68; А. А. Марти-
росян, Армения в эпоху бронзы и ран-
него железа, Ереван, 1964, էջ 47; С. А.
Есаян, Ереван. Ереван, 1969, էջ 27, 41,
Ո. Ա. Ամիրջան, Հնագիտական նոր հայտ-
նաբերում Նրևանի տեղիտորիայում, «Պատմա-
բանասիրական հանդես», 1969, № 3, էջ 265
— 275:

¹ Որոշել է Ս. Մեջլումյանը: